



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მამიკონიანი ვარდან

მამიკონიანი ვარდან (388, ტარონი, – 26. V. 451, ავარაირის ველი, ვასპურაკანის პროვინცია), სომეხი სარდალი და სახელმწიფო მოღვაწე.

მ-ის მამა იყო სომხეთის სპარაპეტი ამაზასპი, ხოლო დედა, სააკანუმი – წმ. სააკ პარტევ კათოლიკოსის ქალიშვილი. მ-ის შვილი იყო შუშანიკი. 432 მ. სომხ. სპარაპეტი გახდა. სომხეთის სხვა დიდებულებთან და ქართლის პიტიახშ არშუშასთან ერთად იგი გაიწვიეს ირანში და იძულებით მიაღებინეს სასანიანთა სახელმწ. რელიგია – ზოროასტრიზმი. სომხეთში დაბრუნების შემდეგ 450–451 სათავეში ჩაუდგა აჯანყებას ირანის წინააღმდეგ. მან რამდენჯერმე დაამარცხა ირანელები და აჯანყებულთა ტანუტერად (მეთაური) აირჩიეს. დაიღუპა ავარაირის ბრძოლაში. მ. სომხეთის ეკლესიის მიერ აღიარებულია წმინდანად.

ლიტ.: მოვსეს ხოროენაცი, სომხეთის ისტორია, თბ., 1984; ჯანაშიანი., ლაზარ ფარპეცის ცნობები საქართველოს შესახებ, თბ., 1962; Адоиц Н. Г. Армения в эпоху Юстиниана. Ереван, 1971; Hewsen R. H. Armenia: a Historical Atlas. The University of Chicago Press, 2001; Тоуманов С., Studies in Christian Caucasian History, Georgetown University, Press, 1963.
